

10 Hli Ntuj tim 13, 2020

Cuag tau: Karin Tyler,
Family Violence Prevention Manager
Xov Tooj: 414-708-3141
Email: ktyler@milwaukee.gov

**Lub Nroog Milwaukee Muaj Lub Rooj Sib Tham Love Without
Violence (Kev Hlub Tsis Muaj Kev Ua Phem) Xyoo 2 nyob rau Lub Hlis
Domestic Violence Awarness Month (Qhia Kom Paub Txog Kev Ua Phem
Hauv Vaj Hauv Tsev)**

Milwaukee lub chaw ua hauj lwm Office of Violence Prevention thiab pab Commission on Domestic Violence and Sexual Assault yuav muaj kev sib tham ua ntu zus mus kom paub ntau ntxiv txog kev ua phem hauv vaj hauv tsev thiab paub sib koom tes los tiv thaiv.

MILWAUKEE – Nroog Milwaukee lub Chaw Ua Hauj Lwm Office of Violence Prevention thiab pab Commission on Domestic Violence and Sexual Assault nqua hu tag nrho cov pej xeeb nyob ib cheeb tsam hauv Milwaukee kom **hnab tsho Xim Paj Yeeb rau hnub Thursday, 10 Hli Ntuj tim 15, 2020** los txhawb cov neeg dim ntawm txoj kev raug tsim txom thiab cov uas tau tas txoj sia rau kev ua phem nyob hauv vaj hauv tsev. Qhov no yog ib yam muaj txhua xyoo nyob rau lub hlis no uas los ua ib qhov kev Qhia Kom Paub Txog Kev Ua Phem Nyob Hauv Vaj Hauv Tsev nyob rau hauv Milwaukee. Muaj ntau lub tsev loj nyob hauv Milwaukee yuav taws teeb xim paj yeeb los sib koom siab ua kev txhawb siab xws li, Milwaukee City Hall, Wisconsin Center, tshav dav hlau Mitchell International Airport, Pfister Hotel, thiab lwm cov lag luam thiab koom haum hauv zos.

Lub hlis uas qhia kom paub txog Kev Ua Phem Hauv Vaj Hauv Tsev pib los ntawm hnub “Day of Unity” nyob rau lub 10 Hli Ntuj xyoo 1981 uas yog los ntawm pab National Coalition against Domestic Violence. Lub hom phiaj yog coj cov neeg ua hauj lwm pab cov neeg raug tsim txom thoob teb chaws uas ua hauj lwm kom tsis txhob muaj kev ua phem rau tus khub los sib paub. Hauv zos no, Mayor Tom Barrett, pab Commission on Domestic Violence and Sexual Assault, nrog rau cov koom hauv hauv zos koom ua ke los:

- Nco txog cov neeg tau tag sim neej vim txoj kev ua phem hauv vaj hauv tsev
- Ua kev zoo siab rau cov neeg tau dim ntawm txoj kev phem los
- Qhia rau cov pej xeeb kom paub ntxiv txog tej kev pab cuam
- Qhia txog txhua yam kev ua phem hauv vaj hauv tsev thiab cov cim

Ua ib qhov kev txhawb rau lub Hlis Qhia Kom Paub Txog Kev Ua Phem Hauv Vaj Hauv Tsev peb yuav muaj lub rooj sib tham **2nd Annual Love without Violence Conference rau lub 10 Hli Ntuj tim 14-16!** Lub rooj sib tham xyoo no yuav muaj nyob saum huab cua thiab yuav mus koom tau nyob hauv Zoom conference thiab Facebook rau hauv City of Milwaukee lub chaw ua hauj lwm Office of Violence Prevention. Lub rooj sib tham nyob saum huab cua yuav ua kom muaj cov neeg dim ntawm txoj kev raug tsim txom thiab cov neeg muab kev txhawb tuaj koom lub rooj sib tham tseem ceeb no kom coob dua.

Lub rooj sib tham yuav muaj cov neeg txawj hais lus thiab muaj kev sib tham txog tej yam raug siab hais txog qhov tseeb ntawm kev ua phem hauv vaj hauv tsev nyob rau hauv 3 hnuv. Peb yuav coj cov neeg dim ntawm txoj kev raug tsim txom, cov neeg pab txhawb nqa, thiab cov koom haum ua hauj lwm txog kev ua phem rau tsev neeg tuaj qhia, coj thiab qhia kom paub txhawb thiab tiv thaiv kev ua phem rau hauv vaj hauv tsev rau yus tus khub nyob hauv peb lub zej zog. Kev muaj vaj huam sib luag yuav yog peb lub ntsiab lus rau lub rooj sib tham xyoo no uas los saib txog qhov teeb meem ua rau kom kev ua phem tsis muaj qhov xaus xws li kev ntxub ntxaug lwm tus neeg, caj ces, thiab kev sib cais ntawm poj niam thiab txiv neej.

Peb koom tes nrog rau peb cov phooj ywg thoob plaws teb chaws tsis yog los qhia kom paub txog qhov teeb meem no xwb tab sis yuav tsum ua kom tej kev phem no tsis txhob muaj lawm. Peb thov txhua tus kom ib leeg ua tsawg kawg ib yam los qhia txoj kev pab tiv thaiv kev Ua Phem Hauv Vaj Hauv Tsev, muab kev txhawb, los yog sau ib yam tso rau hauv social media (huab cua) uas siv hashtag #DVAMMKE. Thaum sib koom siab lawm, peb lub hom phiaj yog los qhia rau lub teb chaws paub hais tias tseem muaj neeg coob ntsib teeb meem los ntawm kev ua phem nyob hauv vaj hauv tsev xws li, cov dim ntawm txoj kev ua phem, lawv cov me nyuam, lawv tsev neeg, tej phooj ywg thiab lub zej zog. Hauv zos no, peb thov txhua tus neeg, txhua qhov chaw ua hauj lwm, thiab txhua lub koom haum kom hnav tsho xim paj yeeb rau hnuv Thursday los ua kev txhawb rau cov neeg tau dim ntawm txoj kev ua phem. Sawv cev ntawm lub chaw ua hauj lwm Office of Violence Prevention (OVP) thiab pab Commission on Domestic Violence and Sexual Assault, lub nroog txaus siab los muab qhov teeb meem no qhia tawm kom sawv daws nrog paub thiab muaj kev sib tham nrog tag nrho txhua pab txhua pawg hauv peb lub zej lub zos kom tsis txhob muaj tej kev ua phem nyob hauv vaj hauv tsev lawm.

Mus zwm npe rau qhov virtual Love Without Violence Conference:

<https://2ndannuallovewithoutviolence2020.eventbrite.com>

Xav tau kev pab sai los yog nrhiav chaw nyob thov hu rau:

Impact 211

Domestic Violence Lifeline: 414-933-2722

###